

NESLUŽBENI PREČIŠĆENI TEKST

ODLUKA O VISINI ADMINISTRATIVNIH TAKSI U VEZI SA PROCESNIM RADNJAMA PRED KONKURENCIJSKIM VIJEĆEM („Službeni glasnik BiH“, br. 30/06 i 18/11)

DIO PRVI - OPŠTE ODREDBE

Član 1. (Predmet)

Ovom Odlukom se određuje visina administrativnih taksi za procesne radnje koje su u nadležnosti Konkurencijskog vijeća u skladu sa Zakonom o konkurenciji (u daljem tekstu: Zakon).

DIO DRUGI - TARIFA ADMINISTRATIVNIH TAKSI

Član 2. (Tarifa administrativnih taksi)

Administrativne takse iz člana 1. ove Odluke se naplaćuju po slijedećoj tarifi:

Tarifni broj 106.

Vrsta taksene obaveze	Iznos u KM
(1) Za zahtjev:	
a) za davanje stručnog mišljenja, preporuka i tumačenja na osnovu člana 25. stav (1) tačka c) i f) Zakona	250,00
b) za pojedinačnim izuzećem od zabrane sporazuma na osnovu člana 6. stav (4) Zakona	200,00
c) za produženje roka važenja pojedinačnog izuzeća na osnovu člana 5. stav (1) Zakona	200,00
d) za ocjenu o grupnom izuzeću sporazuma na osnovu člana 7. stav (4) Zakona	200,00
e) za utvrđivanje zloupotrebe dominantnog položja na osnovu člana 11. Zakona	1.000,00
f) za utvrđivanje zabranjenog sporazuma na osnovu člana 4. stav (2) Zakona	1.000,00
g) za produženje roka bankarskim i drugim finansijskim institucijama ili osiguravajućim društvima od obaveze prijave koncentracije u skladu sa članom 12. stav (3) tačka a) Zakona	300,00
h) za nesprovođenje koncentracije u skladu sa rješenjem Konkurencijskog vijeća ili nepodnošenje prijave koncentracije na osnovu člana 19. stav (1) Zakona	1.000,00
i) za preispitivanje donesenog rješenja o pojedinačnom izuzeću od zabrane sporazuma, u smislu člana 5. st. (4) i (5) Zakona	2.000,00
j) za preispitivanje donesenog rješenja o koncentraciji kada stranke ne mogu ispuniti neke od uslova ili krše neku od mjera određenih rješenjem, zbog okolnosti koje se nisu mogle predvidjeti i izbjeći i koje ne zavise od volje	

stranaka, u smislu člana 18. stav (8) Zakona	2.000,00
k) za preispitivanje donesenog rješenja o ocjeni koncentracije, u smislu člana 43. stav (5) Zakona	2.000,00
(2) Za prijavu koncentracije, u smislu člana 16. stav (1) Zakona, i za prijavu namjere koncentracije, u smislu člana 16. stav (2) Zakona.	2.000,00

Tarifni broj 107.

(1) Za rješenje:

a) o pojedinačnom izuzeću od zabrane sporazuma na osnovu člana 5. stav (1) Zakona	2.000,00
b) o produženju roka važenja pojedinačnog izuzeća od zabrane sporazuma na osnovu člana 6. stav (3) Zakona	1.000,00
c) o grupnom izuzeću od zabrane sporazuma u skladu sa članom 7. Zakona	2.000,00
d) kojim se koncentracija ocjenjuje dozvoljenom, nedozvoljenom ili uslovno dozvoljenom u skladu sa članom 18. Zakona:	
1) za koncentraciju koja se ocjenjuje dozvoljenom prije donošenja zaključka o pokretanju postupka	2.500,00
2) za koncentraciju o kojoj se odlučuje poslije donošenja zaključka o pokretanju postupka	25.000,00
e) o produženju roka bankarskim i drugim finansijskim institucijama ili osiguravajućim društvima od obaveze prijave koncentracije u skladu sa članom 12. stav (3) tačka a) Zakona	2.500,00
f) na osnovu zahtjeva za utvrđivanje zloupotrebe dominantnog položaja privrednog subjekta na relevantnom tržištu, u smislu člana 11. stav (1) Zakona	1.500,00
g) na osnovu posebnog zahtjeva, kojim se ocjenjuje da privredni subjekt ne zloupotrebljava dominantan položaj na relevantnom tržištu, u smislu člana 11. stav (3) Zakona	1.500,00
h) na osnovu posebnog zahtjeva, kojim se utvrđuje da se koncentracija smatra dopuštenom, u smislu člana 18. stav (7) Zakona i člana 19. Odluke o načinu podnošenja prijave i kriterija za ocjenu koncentracije privrednih subjekta	2.500,00
i) na osnovu posebnog zahtjeva, kojim se preispituje doneseno rješenje o ocjeni koncentracije, u smislu člana 43. stav (5) Zakona	2.500,00

(2) O poništavanju, mijenjanju ili ukidanju rješenja:

a) o pojedinačnom izuzeću od zabrane sporazuma na osnovu člana 5. stav (4) Zakona	2.000,00
b) o ocjeni koncentracije kada stranke ne mogu ispuniti neke od uslova ili krše neku od mjera određenu rješenjem Konkurencijskog vijeća, zbog okolnosti koje se nisu mogle predvidjeti i izbjeći i koje ne zavise od volje stranaka u skladu sa članom 18. stav (8) Zakona	2.500,00

Tarifni broj 108.

Za zaključak:

a) o nagodbi između stranka u postupku	1.000,00
b) o obustavljanju postupka zbog odustajanja stranke, ako je već donesen zaključak o pokretanju postupka	500,00
c) o odbacivanju prijave koncentracije stranaka jer nije ispunjen uslov ukupno ostvarenog godišnjeg prihoda u skladu sa članom 14. stav (1) Zakona	1.000,00
d) o odbacivanju prijave koncentracije privrednih subjekta jer se ne radi o koncentraciji, u smislu člana 12. Zakona	1.000,00

Član 3.

(Taksena obaveza)

- (1) Taksa se plaća u trenutku nastanka taksene obaveze.
- (2) Taksena obaveza nastaje:
 - a) za zahtjeve, prijave i druge podneske, u trenutku njihovog podnošenja;
 - b) za upravne akte Konkurencijskog vijeća, prije njihovog dostavljanja stranci po čijem se zahtjevu donose;
 - c) za ostale pravne radnje, u trenutku podnošenja zahtjeva za njihovo izvršenje.

DIO TREĆI - ZAVRŠNE ODREDBE

Član 4.

(Primjena)

Za sve što nije regulisano ovom Odlukom primjenjivat će se Zakon o administrativnim taksama („Službeni glasnik BiH“, br. 16/02, 19/02, 43/04 i 8/06)

Član 5.

(Stupanje na snagu)

Ova Odluka stupa na snagu osmog dana od dana objavljivanja u „Službenom glasniku BiH“, a objavit će se i u službenim glasnicima entiteta i Brčko distrikta Bosne i Hercegovine.